

1698

DE  
V A R I O S I T U  
PARTURIENTIBUS, CUM FOETUS CA-  
PUT REGULAE HAUD CONVENIEN-  
TER EST POSITUM, PRAECIPIENDO.

.....  
DISSERTATIO INAUGURALIS MEDICO-OBSTE-  
TRICIA,

QUAM  
CONSENSU ET AUCTORITATE AMPLISSIMI MEDI-  
CORUM ORDINIS

IN

UNIVERSITATE CAESAREA LITERARUM  
DORPATensi,

UT GRADUM

DOCTORIS MEDICINAE


RITE ADIPISCATUR,

LOCO CONSUETO PUBLICE DEFENDET

AUCTOR

*GUSTAVUS THOMAS,*  
CASANENSIS.

.....  
DORPATI LIVONORUM,  
TYPIS J. C. SCHÜNMANNI, TYPOGRAPHI ACADEMICI.  
MDCCXXXVIII.



VIRO

I m p r i m a t u r

haec Dissertatio, ea tamen conditione, ut, simulac typis ex-  
cusa fuerit, septem exemplaria collegio, cui censura libro-  
rum mandata est, tradantur.

Dorpati Livonorum d. viii. Mens. Mart. MDCCXXVIII.

Dr. S a h m e n,  
Decanus.

ILLUSTRISSIMO EXPERIENTISSIMO

CHRIST. FREDER. DE DEUTSCH

MEDICINAE ET CHIR. DOCTORI, & CONSILIIS STATUS ROSSICIS,  
IN CAESAREA LITERARUM UNIVERSITATE DORPATENSI ARTIS  
OBSTETRICIAE PROFESS. P. O., INSTITUTI CLINICI  
OBSTETRICII DIRECTORI, ETC. ETC.

PRAECEPTORI CARISSIMO ET DILECTISSIMO,  
VIRO PRAESTANTISSIMO;

D17642

PATRI OPTIMO

IOANN. MICHAEL. THOMAS,  
A CONSILIIS COLLEGIOR. ROSSICIS

NEC NON

HOCCE

**PRIMUM LITERARUM SPECIMEN,**

**OMNI QUA PAR EST OBSERVANTIA**

**ET PIETATE**

**D. D. D.**

**AUCTOR.**

**I n t r o d u c t i o .**

Priusquam argumentum, quod mihi tractandum proposui, aggredior, a consilio meo non videtur alienum, nonnulla de capitib infantilis situ abnormi praemittere, ad varias puerperae positiones rite dijudicandas necessaria. Ex mea quidem sententia, duce Dr. E. de Siebold (1) abnormi situi accensendus est: situs occipitalis, facie antrorum proversa, situs dictus verticalis, facialis et obliquus. Quorum diagnosis recta et quidem tempestiva maximi est momenti, quod uberior postea monstrandi occasio nobis offeretur; hic tantummodo id agam, ut unius cuiusque situs symptomata recte et breviter indicentur.

---

(1) Lehrbuch der theoretisch-practischen Entbindungs-kunde.

Situs occipitalis facie antrorum versa, sicut reliquae positiones abnormes, liquore amnii nondum effluxo, agnitu difficultissimus est. Sunt tamen symptomata, quae istum abnormem situm in hac quoque periodo, quantumvis ex parte tantum, patesciant. Haud raro venter paulum propendens observatur, motus infantiles in antica abdominis parte perspicue animadvertisuntur, orificio uteri paulatim se aperit, nec, doloribus ad partum matrem cruciantibus, tam aequabiliter ac firmiter capiti se adipicat, quam in partu normali; velamenta vesicam planiorem et latioram formant, quae parum modo liquoris continent, spatium pelvis pone ossa pubis magis vacuum est et labium uteri anticum crassius et tumidius. Post hanc periodum, i. e. velamentis disruptis, fontanella minor in una alterave synchondrosi sacro-iliaca, fontanella major antrorum pone ossa pubis proversa, digitis sunt perceptibiles. (2) — Situs sic dictus verticalis cognoscitur e diurno et dolorifico partus decursu, ex velamentis minus extensis et capiti proprius jacentibus, e liquoris amnii parvo decessu, e fontanella majori in uteri orificio et media pelvi perceptibili, e tumore denique capitis formam cunei obtusi

(2) Dr. Justus Heinrich Wigand, die Geburt des Menschen, herausgegeben von Dr. F. C. Naegels. Berlin, 1820, et E. d. Siebold, l. c.

non recipiente; regonem, quam frons vel occiput obtinent anguli fontanellae majoris indicant, angulo videlicet acuto in frontem et angulo obtuso in occiput versis. (3) — Situm faciale inaequali faciei plana, maxillis duris, fronte, oculis, naso atque ore (4) dignosces; diagnosis autem nonnullis in casibus difficultissima. — Signa generalia situs obliqui capitis, quo praesente capitis axis perpendicularis in unum alterumve latus de linea directionis declinat, sunt sequentia: uteri orificio inaequaliter extenditur, amnii liquor premature effluit, aut velamenta vesicam oblongam formant, quae nonnunquam e genitalibus procedit, spatium pelvis capiti infantili oppositum majus reperitur, decursus partus diurnus est et mater inter dolores ad partum, praesertim cum pelvis angustior et infantis caput iusto majus est, de dolore quodam stabili conqueritur in regione, versus quam caput obliquum convertitur, sutura sagittalis mediae pelvi non ad perpendicularum est obversa, sed uni alterive parieti propius accedit; reliquum capitis situm fontanella major et minor et aliae partes percep-

(3) E. de Siebold l. c. et C. G. Carus Lehrbuch der Gynaecologie. Leipzig, 1820.

(4) E. de Siebold l. c. et C. G. Carus l. c.

tibiles indicant. (5) — Hic monendum opinor, neutquam omnem, minutissimam quoque, declinacionem suturae sagittalis, capite ceteroquin normaliter sito, positum abnormem obliquum habendam esse, nam viri celeb. Naegele (6) et Maygrier (7) in partu normali quoque os bregmatis communiter in linea directionis perceptibile esse observarunt.

Abnormem placentae adhaesionem, funem umbilicalem nimis brevem, vel circa foetus collum contortum, liquoris amnii nimis magnam vel nimis parvam copiam, pelvim deformatam, uteri situm obliquum, praecipue ventrem propendentem cum pelvi valde inclinata conjunctum, abdominis nimis arctam fibulationem, totius corporis magnas perturbationes, situs noxios, labores his in sitibus susceptos, dolores ad partum stando perppersos, qua positione velamenta, priusquam caput regionem quandam firmiter occupat, disrumpuntur, explorations nimis rudes incautasque, plures foetus praesentes etc. positionum abnormium capitum momenta aetiologica esse, plurimi obstetrica-

tores censent. Busch (8) omnes has causas rejicit, praeter velamenta premature disrupta et funiculum umbilicale circa collum foetus contortum, quas solas causas sufficientes esse dicit, cui Meissner (9) quoque assentit. Ex mea quidem sententia etiam uteri situs obliquus et pelvis deformata causis adnumeranda sunt. Quamvis hae conditiones capitum foetus positum abnormem in utero efficere minime possint, utero tamen oblique sito, ideoque orificio in unum alterumve parietem magis converso, caput quoque magis in hunc parietem inclinetur necesse est. Qui capitum situs obliquus eo magis adaugetur, quo diaphragma et musculi abdominis in uterum oblique situm obliquam modo vim exercent, adeoque uteri contractiones ab una tantum parte adjuvant. Quodsi uterus, alioquin normaliter situs, ob pelvim deformatam situm vitiosum accipit, caput foetus vel cum introitus loco acclinabitur, vel in pelvi deformata situm vitiosum obtinebit.

(5) E. de Siebold l. c.

(6) Deutsches Archiv für die Physiologie, in Verbindung mit einer Gesellschaft von Gelehrten herausgegeben von J. F. Meckel, Halle. V Bd. 4 H.

(7) Maygrier, Nouvelles Démonstrations d'Accouchemens. Paris.

(8) J. D. Busch, Beschreibung zweier merkwürdigen menschlichen Missgebürtten nebst einigen andern Beobachtungen aus der practischen Entbindungs-kunde, Marburg. 1803.

(9) Forschungen des neunzehnten Jahrhunderts etc. von F. L. Meissner.

Abnormes supramemoratos situs nuncupo, quippe qui partum magis, quam normales, retardent et difficilem reddant, nec, nisi momenta faustissima appareant, viribus naturae solis devincantur. Saepe autem naturae vires ad partum feliciter perficiendum nimium sunt debiles, ideoque caput infantile vel in pelvim intrare impeditur, vel, si in pelvum intraverit, incuneatur; quae si eveniunt, paulatim foetus emoritur, matris genitalia inflammatione ac gangraena afficiuntur, tandem mors sequitur.

Hisce praemissis ad medias res transeamus, ad dissertationem:

**De vario situ parturientibus, cum foetus caput regulae haud convenienter est positum, praecipiendo.**

Situm parturientium varium ad partus levandos, ubi foetus caput abnormaliter est positum, aliquid omnino valere censeo, viri ill. L. J. Boér (10) sententiam de hoc argumento rejiciens, licet eximii hujus viri in artem obstetriciam merita grato animo sint agnoscenda; viri cel. contra F. C. Naegle (11), J.

---

(10) Supplement zur natürlichen Geburtshülfe etc. von Dr. L. J. Boér. Wien 1826.

(11) Erfahrungen und Abhandlungen aus dem Gebiete d. Krankheiten d. weibl. Geschlechts etc. Mannheim. 1812.

H. Wigand (12), E. de Siebold (13), C. G. Carus (14), F. L. Meissner (15) et alii in meas discedunt partes. Partus decursum considerantibus idem, fabricam pelvis in memoriam revocando sum probaturus. In extrema enim graviditatis periodo e<sup>a</sup>s parte jam caput infantile per pelvis majoris plana inclinata versus introitum minoris delabitur, ibique, easdem ob canas, paulum ita jam vertitur, ut in pelvim quam optimè intret, quo in cavo ipso, ejusque exitu capit is versiones necessariae animadvertuntur, quae partus decursum et matri et infanti immoxium reddunt. Quae omnia aliter evenire videmus, simulac abnormitatis in pelvis fabrica obviae sunt, et sic saepe partus decursus matri vel infanti vel ambobus perniciem affert. Ceterum tantum abest ut partum e causis mechanicis solis pendere et explicandum esse statuam, ut potius causas dynamicas majoris et quidem maximi momenti esse mihi persuassimum sit. Nec tamen causae mechanicae prorsus sunt negligendae. — Theoremate, fabricam pelvis mechanicam aliquid conferre ad partum faciliorem vel difficiliorem reddendum, satis, ut

(12) l. c.

(13) l. c.

(14) l. c.

(15) l. c.

mihi quidem videtur, probato, concludere licet, mutationes mechanice quoque adductas, v. c. varias parturientium positiones, rationem etiam qua caput foetus ad pelvim resertur posse commutare. Quum enim fundus uteri, positu parturientis mutato, ob pondus alium quendam locum abdominis obtineat, cuiilibet patescit, uteri orificium adeoque foetus caput etiam aliam versus pelvim directionem accepturum. — D'Outrepont (16) hoc modo, i. e. variis parturientium motibus, versiones spontaneas, sine artis obstetriciae ope effectas explicare conatur; ceterum quidem, quod ad varios parturientium positus attinet, se omni experientia destitutum esse ingenue fatetur. — Denique et experientia positionum mutationibus fayet. \*)

Plurimi veteres medici obstetricantes, nonnulli etiam recentis memoriae illud remedium prorsus silentio praetereunt, sunt quoque alii, qui de positu partui normali aptissimo instituendo, fusius quidem

(16) Von der Selbstwendung und der Wendung auf den Kopf. Ein Programm. Würzburg. 1817.

\*) Quamquam ad casum sequentem haud sum provocaturus, tamen paucis verbis narrabo, in casu quodam versionem in caput, brachio et funiculo, nimblicali, quae prolapsa erant, repositis, apto parturientis positu ac pressione extrinsecus adhibita feliciter esse effectam. (Salzburger Medicinisch-Chirurgische Zeitung. 1822. III Bd. S. 112.)

dissentant, sed de magno momento variarum positionum, foetus capite prave sito, nullam vel levem tantum mentionem faciant. Nonnullorum veterum et recentiorum auctorum sententias de argumento nostro jam afferam. G. W. Stein (17) varios positus, utero oblique sito, commendat, de nostro autem argumento tacet. Schmidt Müller (18) situm supinum partui, praecipue capite praevio, aptissimum esse judicat, quamvis, utero oblique sito, positum ad unum alterumve latus aliquid auxilii afferre minime neget. — Baudelocque sententiam suam de variis positionibus his verbis in medium profert (19): „La situation que doit garder la femme pendant le travail de l'enfancement, n'est pas toujours indifférente et ne peut être arbitraire; elle doit être variée selon les circonstances et le temps de ce travail“; nihilo minus infantilis capit is in pelvim vitiosum introitum, non solum situ mutato, sed etiam pressione externe adhibita et manipulatione praecavendum esse suadet. Cel. Naegele (20)

(17) Theoretische Anleitung zur Geburtshilfe. Cassel, 1770. S. 136.

(18) Lucina v. Dr. E. v. Siebold. II Bd. 1. St. S. 8 u. f.

(19) L' Art des accouchemens. Cinquième édition. Tome I. p. 349.

(20) I. c. p. 220.

multum tribuere positionibus parturientium in vitioso capitis infantilis situ, ex libro ab eo edito elucet. — J. H. Wigand (21) multis operis sui locis auxili, quod positus mutatus parturienti afferat, mentionem injicit. E. de Siebold (22) proprium jam locum argumento nostro assignat, sed positum mutandum esse, in quodam capitis situ, quem ipse abnormibus adnumerat, silentio omittit. G. G. Carus (23) situs mutationes breviter quidem sed rectissime describit, illas tamen tum praecipue si caput oblique positum est, adhibendas judicat. F. L. Meissner (24) pluribus operis sui locis necessarias positus mutationes memorat, ad capitis situm meliorem magisque normalem reddendum.

Indicationes positus mutandi sunt capitis infantilis situs abnormes. Quodsi situs mutatione felicem successum adducere optas, positum tempestive, amnii liquore nondum effuso, vel paulo modo post im- mutes necesse est. Tempestive igitur et quam accu-

(21) I. c.

(22) I. c.

(23) I. c.

(24) I. c.

ratissime debes explorare, qualis sit capitum situs et qualis pelvis configuratio. Pelvis justo angustior, caput solito majus vel nimis profunde in pelvem de-lapsum, aliae quoque partes juxta caput prolapsae fausti successus spem frustrant (25); quamvis alio quoque organo prolapso, sed juxta caput nec pro-fundius illo jacente, nonnunquam situs mutatio ali-quantulum opis afferat. Maximi est momenti positio-nis mutatio, capite oblique sito, vel uni alterive ossi iliaco inhaerente.

Descriptionem cubilis ad partum aptissime insti-tuendi omitto, quippe quae in omnibus ferme operi-bus obstetriciis sit invenienda; equidem nil in iis commutare audeo, et hoc caput omnino extra circum-scriptos dissertationis meae fines positum mihi vi-fletur.

Variae positiones quibus parturientes collocari-jubentur, foetus capite contra normam sito, optime tribus capitibus exponi queunt:

A. Positus supinus, quo thorax, aliquando etiam regio ossis sacri, pro re nata, magis minusve attolenda vel dimittenda sunt.

(25) E. de Siebold l. c.

B. Positus in sinistrum latus et

C. Positus in dextrum latus, quibus posteriori-bus thorax nonnunquam magis minusve antrorum flectendus et femora ad abdomen sunt adducenda.

Positum in genna et ulnas prorsus rejicio, quippe qui diu continuatus maximas parturienti molestias al-laturus esset et sensu humanitatis carere mihi videtur qui positum dolorificum adhibet, quum alii idem auxilium afferant. Quales hi sint postea ostendam.

#### A. Positus supinus.

Positu supino, praeter partus normales, quos respicere huic dissertationi alienum est, obstetrica-tor sequentibus in casibus utatur: cum caput ver-sus partem posticam obliqua directione situm est, qui situs nonnunquam ex uteri fundo antrorum vergente, oriri potest; (magis fere quam prophylac-tica haec est ratio, eo consilio adhibenda, ut, pel-vi minus quam par est inclinata, partus, ceteroquin pelvi normaliter vel etiam nimum laxe configura-ta, retardetur, adeoque capitum versiones adjuven-tur, et hoc modo positiones abnormes praecavean-tur); porro cum os sacrum paulum convexum (et ea de causa planum) reperitur, quo casu tamen situs

ille, si pelvis amplitudo est circumscripta, nil auxilii praebet; in extremo partus facialis stadio, mento antrorum proverso et jam arcui pubis inhaerente; (fortasse non nemo putaverit, hunc positum et in partu sic dicto verticali, occipite retrorsum converso, adhibendum esse, ut occiput profundius in pelvem descendat, Wigand vero aliam agendi rationem commendat, quae ipsi multum auxillii non-nunquam praebet, et postea hac quoque in dissertatione uberior exponet); denique positus supinus in usum vocandus, si capitis situs aliis jam positionibus est emendatus, aequę ac, capite in pelvis extituto, ad versiones ejusdem promovandas; nam caput hoc positu versus ossa pubis pressum et hac pressione in regione ossis sacri liberum redditum, melius evolvi poterit; simul etiam genitalibus matris parcerur. — Pro variis conditionibus praesentibus hoc situ supino thorax plus minusve attolendus aut dimittendus est.

#### B. Positus in sinistrum latus.

Qui situs inter omnes positiones, quae foetus capite abnormiter sito, sunt consuetae, quam plurimum adhibetur. Nam ut omittam, in universum plures positus abnormes occurtere, qui adhibitionem situs lateralis, quam qui situm supinum postulant,

positio in latus sinistrum ob situm obliquum uteri cum fundo dextrorum vergente saepius obvium, (qua de causa crebro caput oblique situm sinistrorum deprehenditur), frequentius tanquam commodissima erit usurpanda. Hac positione sequentibus casibus medicus obstetricans ad partum levandum utatur: capite sinistro ossi ilio inhaerente, vel omnino sinistrorum oblique verso; in partu sic dicto verticali, occipite ad sinistrum os ilium converso, ut ita occiput profundius depellatur, qui situs postea versionum ope prorsus in normalem immutatur; facie porro foetus praevia, fronte et vertice sinistrorum et paululum antrorum versis, obstetricator positu in sinistrum latus utens partum in verticalem transmutare studeat, qui partus, quamvis magnam virium naturae contentiō nem poscat, facilior tamen natura sola absolvitur quam partus facialis, (hoc in casu, ut auspicato res agatur et positus mutatus aliquid commodi afferat, praecipue tempestiva et accurata exploratio situs capitatis, priusquam in pelvem minorem caput intret est necessaria); denique etiam capite oblique sito, cum causa hujus positionis in pelyi vitiōse configurata quaerenda sit, cuius dextrum latus majus explet spatium, optimus a positione in sinistrum latus eventus erit exspectandus. Adhibetur etiam haec positio, quae ita est instruenda, ut thorax antrorum prominat et femora ad abdomen adducantur, si caput os-

sibus pubis inhaeret \*), ut et in quovis positu capitis obliquo in anticam partem; deinde in situ verticali, ubi occiput antrorum directum profundius descendit, eo consilio ut positus abnormis in normalem mutetur; nec minus in partu faciali, fronte et syncipite antrorum oblique conversis, qui situs in sic dictum verticalem transferatur; in partus facialis initii, ut mentum antrorum et paulum sinistrorum directum, si partus facialis decursum servare tibi est propositum, profundius deprimatur; denique pelvi nimium inclinata, et osse sacro nimium convexo adeoque nimium excavato. Omnibus his in casibus caput magis sinistrorum jaceat, vel fundus uterinus oblique dextrorum declinetur, vel dexter pelvis ambitus amplior sit, utique oportet. — Loco positus in sinistrum latus, thorace prominente et femoribus ad abdomen adductis, veteres et nonnulli recentiores partus adiutores positionem in genua et ulnas commendant; sed

\*) Instituto obstetricio, quod hac in literarum Universitate floret, observationem quandam huc pertinentem acceptam refero. Cum videlicet pelvis minor, statim post liquorem amnii effusum explorata, vacua, et foetus caput ossibus pubis inhaerens inveniretur, dein positus lateralis hic necessarius, femoribus ad abdomen adductis, esset adhibitus, quo caput normaliter in pelvem deprimebatur, partus, positus in latus submoto, facile viribus naturae solis est absolu-

facile est intellectu, hunc situm nequaquam ea commoda afferre, quae siti lateralii propria sunt.

#### C. Positus in dextrum latus.

Haec positionis mutatio, ob causas supra jam memoratas, rarius quidem quam positus in sinistrum latus adhibetur, sequentibus tamen capitis positionibus indicatur: cum caput dextro ossi ilio inhaeret, nec non cum caput dextrorum oblique conversum est; deinde in partu dicto verticali, occipite dextrorum et paululum antrorum verso, ut situs mutatione occiput profundius deprimatur, et postea partus, parvo virium impendio a natura in normalem transferatur; in partu faciali, fronte et syncipite dextrorum et paululum antrorum conversis, ut hoc positu applicato, situm verticalem provokes, iis momentis quae in descriptione positionis in sinistrum latus sunt allata, neutiquam neglectis; denique, quod positum sinistrum tractantes animadvertisimus, pelvi vitiouse configurata, ampliori sinistri partis ambitu praesente. Positus in dextrum latus eodem modo, quo positus in sinistrum mutatus, prominente puta thorace et femoribus ad abdomen adductis, optimo cum eventu usurpatur: si

caput vel ossibus pubis inhaeret vel antrorum oblique positum est; in partu sic dicto verticali, occipite antrorum verso, quare situm normalem efficere speramus; in partu faciali, fronte et vertice foetus antrorum et paulo dextrorum versis, qui situs in verticalem immutetur. Sed opus est ut situs tempestive et quam accuratissime exploretur et positus memorati tempestivus usus, quod etiam de positione in sinistrum latus dictum sit. Adhibetur porro partus facialis initii, mento antrorum et dextrorum converso, si hujus partus decursus servandus esse obstetricatori videatur, illa positus mutatio ita adhibetur, ut mentum profundius deprimatur et facilius arcui ossium pubis innitatur; partui quoque ob pelvim magis inclinatam et os sacrum nimis excavatum difficulti hic positus multum auxilii afferet. Nisi autem vel caput, vel ea capitum pars, quae pone aut supra os sa pubis est sita, dextrorum versa, vel uterus oblique situs, fundo uterino sinistrorum converso, vel sinister pelvis ambitus amplior sit, hanc positus mutationem medicus providus et artis obstetriciae peritus prorsus respuet.—Ex praemissis et supra tractatis, positus in dextrum sinistrumve latus, supra jam memorato modo variatus, omnia commoda, nil detimenti, nil molestiarum crudelissimae istius positionis in genna et ulnas afferre, unus quisque satis perspicue intelliget.

— Cel. Wigand (26) positu in dextrum latus quoque utebatur, ad capitis situm abnormem, facie antrorum et superne conversa, emendandum, quo situ tempestive, jam partu incipiente explorato, parturientem in dextrum latus decumbere jubet ac paulo antea et inter dolores ad partum, abdomen a sinistro latere ad dextrum leniter palpari atque manibus sustentare, adeoque infantis faciem et corporis anticam partem dextrorum jubet vertere, quo facto vires naturae capitum versionum ope situm normalem adducere valent. Quam rationem ei tantummodo casui applicabilem esse censeo, quo occiput ad sinistram symphysin sacro-iliacam, frons faciesque vero dextrorum magis conversa sunt; me judice plurima hoc in casu a manipulatione externa expectanda erunt, minime a parturientis situ, qui tum quidem paulo majorem promittit utilitatem, si positus obliquus uteri cum fundo sinistrorum vergente, porro si sinistra pelvis pars amplior, ipsaque pelvis magis inclinata adest.

Quae supra jam dicta et satis superque sunt tractata, regulam generalem suppeditant, secundum quam omnibus in casibus, ubi quis situm parturien-

tium in positione capitinis infantilis, normae repugnanti, in usum vocare velit, puerperae praecipiendum est, ut in illud latus se ponere jubeat, quo caput vel ea pars ejusdem deprehenditur, quam in pelvis medio adesse optamus vel quod ei lateri est oppositum, ubi caput vel ejus partem quandam pervenire cupimus. Nam fundo uterino ad id latus declinante, in quod parturiens decumbit, necesse est orificium uterinum adeoque foetus caput directionem oppositam recipiat. — Sed caveat medicus ne qualsicunque situs a parturienti diutius perferatur, quam situs abnormis, quem ad removendum positus mutatio adhibebatur, perdurat; omnem positum statim medicus immutet, situ abnormali in alium meliorem transeunte; et situ normali feliciter effecto, parturienti positum, partui normali aptissimum, jubeat observare.

In coronide dissertationis meae monendum censeo, ne medicus a positu mutato nimis multum auxili speret, neque iis in casibus ab hoc operi exspectet, quibus aliae artis operationes indicantur.

---

T H E S E S.

I.

Ubi caput praevium, etiam forcipis ope, in lucem edi non potest, multo difficilius, versione in pedes facta, expelletur vel extrahetur.

II.

Liquorem amnii ad nutriendum foetum non nihil valere, contendo.

III.

Ligatura funiculi umbilicalis, quamquam plurimis in casibus supervacua, semper instituenda.

IV.

Omnis partus normalis capit is, vertice praevio decurrit.